

Fijian - Na Ca Vakanananu Vola Tabu - Bad Mind Scriptures

Vakatekivu 26:35 E rau sa rarawa kina vakalevu o Aisake kei Rapeka.

Vakarua 28:65 "Ena kedra maliwa na veimatanitu oqori o ni na sega ni kune vakacegu kina, se me vakacegu kina na yavamuni, ia, o Jiova e solia veikemuni mai kea na yalo sa rere tikoga, na mata sa sega ni rai rawa kei na loma sa mosi vakalevu.

Ruci 1:18 Ni sa raica o Naomi ni sa dei tiko ga na nona i le o Ruci, sa qai sega tale ni vosa.

2 Samuela 17:8 Sa tukuna tale o Usai, "Iko sa kilai tamamu kei ira na nona tamata, ni ra sa tamata qaqa ka sa dei tu ena lomadra, me vaka e dua na pera sa butakoci na Iuvena mai na buca; o tamamu sa tamata ni valu, ena tiko vakatikitiki ga ka sega ni via tiko vata na tamata.

Vakaibalebale 21:27 Na nona i soro na tamata ca sa ka ca ga; Sa qai ca vakalevu ga ni sa kauta mai ena i naki e ca!

Vakaibalebale 29:11 Na lialia sa ceburaka kece na ka sa tu e lomana, Na yalomatua sa vesuki koya vakamalua.

Isikeli 23:17,22,28 "Era sa qai lako mai vua o ira na kai Papiloni ki nai mocemoce ni veidomoni, ka vakadukadukalitaki koya e na nodra dauyalewa, sa vakadukadukalitaki kina o koya, ka sa vuki tani mai vei ira na lomana. 22 "O koya oqo, Oliva, Sa tukuna na Kalou o Jiova: 'Raica, au na vakauqeti ira na nomui tau me ra vala kei iko, o ira o sa vuki tani mai kina, Au na kauti ira mai na veiyasana kece me ra vala kei iko: 28 "Ni sa tukuna vakaoqo na Kalou o Jiova: 'E dina Au na soli iko ki na ligadra na tamata o sa cata, ki na ligadra o sa vuki tani mai kina.

Isikeli 36:5 'O koya sa tukuna kina vakaoqo na Kalou o Jiova: "E dina Au sa vosataka na ka ca e na dela ni Noqu vuvu katakata e na vukudra na vo ni veimatanitu kei na vuku i Itomi taucoko, o ira era a solia na Noqu vanua me nodra ga, kei na reki e na vu ni yalodra ka veibeci e na nanuma ni lomadra, me ra kovea kina na vanua lalaga."

Isikeli 38:10 'Sa tukuna vakaoqo na Kalou o Jiova: "E na siga o ya e na yaco me na tubu mai na nanuma eso ni lomamu, o na bucina e dua nai naki ca:

Taniela 5:20 "Ia ni sa via vakalevulevui koya o koya, ka sa yacovi koya

mai na dokadoka, sa qai yaco vua me kau tani mai ena nona i tutu vakatui, ka ra kauta tani mai vua na veika edau lagilagi tu kina.

Luke 12:29 "Dou kakua ni vakasaqara na ka mo dou kania se na ka mo dou gunuva, dou kakua ni nuiqawaqawataka e levu na ka.

Cakacaka 12:20 Sa cudruvi ira sara vakalevu na kai Taia kei Saitoni o Eroti; ena nodra lako mai me mai raici koya. Na mata i lakolako mai na vanua e rua oqo sa sega ni dua na ka me caka rawa vei ira, ni ra sa rawai koya rawa na nona vunivola levu na tui, era sa mai gadreva tiko na veisaututaki, baleta na nodrau matanitu sa vukei tiko mai ena matanitu nona na tui.

Cakacaka 14:2 la o ira na Jiu sega ni vakabauta, era sa solia tiko na veivakauqeti vei ira na kai Matanitu Tani me ra sevaki rau na veiwekani oqo.

Roma 1:28 la kevaka me ra sega ni via vakarokorokotaka tikoga na Kalou, na Kalou ena solia vei ira na vakasama cala, me ra cakava kina na veibasai ni bula vakatamata.

Roma 8:6,7 Ni sa vuni mate na gadreva na i tovo vakayago, ia sa vuni bula kei na vakacegu na gadreva na i tovo vakayalo. 7 Baleta nai tovo vakayago e rau veimecaki kei na Kalou, e sega ni dau via vakarorogo me rogo na vunau ni Kalou, ka sega ni rawa vakadua me rau na cakacaka vata.

Roma 11:20 E dina oqori. Era musuki laivi baleta na nodra sega ni vakabauta, ia o iko sa mai dei ena vuku ni vakabauta, mo kakua ni dokadoka, mo vakamalumalumutaki iko, ka rere tiko.

2 Koronica 10:5 Me buturaka sobu na duidui kei na veika cecere kece e vakalevulevui koya me veicoqacoqa kei na vuku ni Kalou, me vesuka mai na vakanananu kecega me talairawarawa vei Karisito,

2 Koronica 11:3 la ka'u sa rere, de dua na ka ena vakacalai kina na lomamudou mai na kena dina kei na kena savasava vei Karisito, me vaka nona vakacalai Ivi e liu na gata ena nona i lawaki ca.

Efeso 2:3 Oi keda talega eda sa bulataka tu nai tovo vakayago e liu, ena noda vakayacora, ka talairawarawa tu ga, ena gagadre ca ni noda i tovo vakayago, ka sa yaco kina vei keda na cudruvi, kei ira talega na lewe i vuravura.

Efeso 4:17 O koya oqo au sa kerei kemudou kina ena vuku ni Turaga, mo dou kakua ni vakamurimuri ira na sega ni lotu, ena nodra i valavala vakalalia,

Kolosa 1:21 Oi kemudou, dou a sega sara tu ga ni wili me dua na ka

ena vuku ni nomudou i valavala ca, o Koya sa qai cakava na veivosovosoti mo dou ciqomi kina.

Kolosa 2:18 Ni sa waraki kemudou tu na kemudou i sau, me kua ni dua e mai vakaleqai kemudou, me kamikamica nona vosa ka olifa ca e loma, ni o koya e masuta tiko na agilosi, ena ka e sega ni rawa me raica, ka vakasinaita tu nona bula nai tovo vakayago.

1 Cesalonaika 5:14 Keitou sa kerei kemudou, na veiwekani, me ra vosataki tiko vakadodonu na talaidredre, o ira na yalolailai me ra dau vakayaloqaqataki, maroroi ira na malumalumu, dou vosoti ira kece na tamata.

2 Cesalonaika 2:2 Mo dou qarauna na nomudou vakasama me kua ni moici rawarawa, se dua na ka me yavalati kina na yalomudou se dua e vosa vei kemudou se dua e volavola vei kemudou, (me vaka sa mai vei keitou) me vaka ni sa lako mai na siga i Karisito.

1 Tim 6:5 Na nodra veileti sega ni yaga na tamata lomaca e vakayalia nai vakavuvuli dina, era nanuma ni lotu me ra mai rawa ka kina. Na bula vaka oqori mo dro tani mai kina.

2 Tim 3:8 O Jani kei Jabiri e rau a veisaqasaqa kei Mosese, o ira talega oqo era na saqata na dina: ka tamata lomaca, nodra vakabauta ena leqa tu ga;

Tatusi 1:15 Sa savasava na ka kecega vei ira sa yalosavasava, ia vei ira sa dukadukali ka sega ni vakabauta sa sega na ka sa savasava, ia sa dukadukali na nodra lewa e loma kei na nodra vakanananu.

Iperiu 12:3 Me da vakaraici Jisu mada, ni sa vosota na nodra veivakacacani nai valavala ca vei Koya, de na qai tubu na yalolailai ena lomamuni.

Jemesa 1:8 O koya na tamata lomalomarua, sa yamekemeke na nona i valavala kecega.